



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 82. Aurelianensis in prælio Sant-Albinensi captus.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV. occupabat, opem ferentibus quibusdam
 A.C. 1488. Anglorum peditibus, ac mille equitibus.
 Trimollius, qui regiis copiis præerat, ju-
 re talionis Castellum Briantii vi captum
 solo æquari jubet, Augenium expugnat,
 ac Felicerias & S. Albini oppidum obsidet.

§. LXXXII.

*Aurelianensis in prælio Sant-Albi-
nensi captus.*

*Saligny
 hist. Carol.
 VIII.
 Belleforest.
 l. 5. c. 55.*

*Belcarius in
 vit. Ludov.
 XII. c. 4.*

Britones ac Galli, qui Ducis Aurelia-
 nensis partibus adhærebant, Felice-
 riensi urbi opem laturo junctis viribus ad-
 volant, ast tardo nimis consilio; eam
 enim non minus, quam urbem sancti Al-
 bini deditioem fecisse comperiunt. Ni-
 hilominus Trimollius, cum pertimesce-
 ret, ne recentes hæ Britonum copiarum
 oppidum recuperarent, eis obviam proces-
 sit, ac vigesima septima Julii die, quæ
 erat Dominica, copias suas urbi admovit.
 His Britones minime territi exercitum
 in aciem instruunt; Galli quoque hostem
 aggressuri agmen suum in tres ordines di-
 sponunt; primo præerat Adrianus Ho-
 spitalius, secundo imperabat Trimollius,
 extremam denique aciem ducebat Bodri-
 curtius Marescallus. Jam tormenta bina
 ex parte laxata multam globorum, ac
 flammæ vim non sine ingenti cæde evo-
 mebant; necdum enim Britones eam
 artem

Sæcul. XV.
A.C. 1488.

artem edocti erant, qua juxta novas militaris scientiæ leges equestre agmen suos ordines cito dissolvit, pedites vero supini in terra ejusmodi tempestatem eludunt. Mox Trimollius, quamvis ætate juvenis, virili tamen robore præditus in Rivennensis Marescalli agmen irrupit, nec tamen illius ordines perfringere poterat; unde parumper in transversa hostium latera impetum facere compulsus, cum nonnisi levis armaturæ equites obfisterent, facili negotio eos disjecit, ac continuato fortitudinis cursu in mediam aciem prorupit, ubi Britones Gallorum equis vesti, nec tamen ephippiis immoderate insidentes, una omnes a regiis equitibus fusi, fugatique sunt, his vero haud amplius in ordines redeuntibus, pedestres copiarum subsidii inopes ferme omnes trucidatæ sunt, sex millibus Britonum desideratis: Trimollio autem integra cessit victoria, qua magis gloriosam a longa annorum serie nemo alius retulisse celebratur.

Captus est in hoc prælio Aurelianensis Dux, unacum Arausionensi Principe, qui inter media occisorum cadavera latitans mortuum se simulabat: ast a quodam sagittario cognitus, idem cum Aurelianensi fatum subiit: brevi tamen a Bellojoviensi Comitissa, cum Mariti ejus sortorem sibi connubio copulasset, libertate donata

Sæcul. XV. donatus, quin etiam ab ea Britannia
 A.C. 1488. Pro-Regis dignitate auctus est. Minus
 tamen propitiam Aureliæ Dux expertus
 est Comitissam; hæc enim tam nobilem
 captivum vindictæ suæ arbitrio relictum
 sibi gratulabatur, ac gaudio inde conce-
 pto imperare nescia, illum primo Lusig-
 nanum in Pictavia sub valida custodia de-
 duci, ac paulo post in magnam Bituri-
 censem Turrim conjici jussit, demum ve-
 ro Andegavum, ubi tum Rex agebat,
 delatum, in arce inclusum detinuit. In-
 terim Trimollius continuato victoriæ cur-
 su Dinantium, ac Maclovium opera Vi-
 ce-Comitis de Rohan occupavit; hic
 enim natione Brito, Gallorum partibus
 accesserat, ut eorum ope sua in Britan-
 niam jura efficacius prosequeretur, quem
 Ducatum sibi eo nomine deberi conten-
 debat, quod Mater sua Maria de Britan-
 nia, nec non ejusdem soror Margarita
 prima Ducis conjux, unicæ essent Fran-
 cisci I. hæredes.

§. LXXXIII.

*Fœdus concordiae Gallum inter &
 Britannum.*

Britanniæ Dux hac rerum vicissitudine
 inter arcta deprehensus, in Angliam
 fugere animo volutabat; non deerant
 tamen, qui Duci auctores essent, fatius
 fore,